

42 L. 511. C 229



Bayrische  
Staatsbibliothek  
München



皇帝萬歲萬萬歲

凡誦經者切須齋戒嚴整衣冠澄  
心定氣叩齒演音然後朗誦慎勿  
輕慢交談接語務在端肅念念無  
違隨願禱祝自然感應

至心皈命禮

西天竺國大智光中真空妙相法王師  
無上玄元天母主金光燦處日月潛輝  
寶杵旋時鬼神失色顯靈蹤於塵世衛  
聖駕於閭浮衆生有難若稱名大士尋  
聲來救苦大悲大願大聖大慈聖德巨  
光天后摩利支天大聖

開經玄蘊咒

寂寂至無宗 虛峙劫仞阿  
豁落洞玄文 誰測此幽遐

一入大乘路 孰計年劫多  
不生亦不滅 欲生因蓮花  
超陵三界徒 慈心解世羅  
真人無上德 世世為仙家

太上玄靈斗母大聖元君本命延生心經  
老君曰斗母上靈光圓大天寶月中有  
騫樹色瑩琉璃玉兔長生擣鍊大藥凡  
天地氣運休否日月星辰錯行雨暘晦  
明不時風寒暑濕不節亢旱水火疫癘

凶災至如刀兵虫蝗妖精鬼恠疾病傷  
生諍訟橫撓種種不祥悉皆乖氣所致  
斗母降以大藥普垂醫治之功變理五  
行升降二炁解滯去窒破暗除邪愆期  
者應期失度者得度安全胎育治療病

病潤益根莖陽回氣候生成人物鍊度  
鬼神散穰百結資補八陽輔正全真召  
和延祚潜施藥力職重天醫生諸天衆  
月之明為北斗衆星之母斗為之魄水  
為之精主生人身光凝性水衆水一月

衆月一光有情無情均稟靈光道炁一  
一資其生養護衛恩深德重皆莫能知  
是以人心面有七竅內應乎心魄有七  
真受魄於斗斗母尊號曰

九靈太妙白玉龜臺夜光金精祖母

君又曰中天梵炁斗母元君紫光明哲

天皇二曰紫微三曰貪狼四曰巨門五  
曰祿存六曰文曲七曰廉貞八曰武曲  
九曰破軍。天皇紫微尊帝二星居斗口  
娑羅上宮真光大如車輪得見之者身  
得長生位證真仙永不輪轉二星分作  
餘暉為左輔右弼為擎羊陀羅神化無  
方總領玄黃正炁七元星君幹運陰陽  
造化功沾三界德潤群生其功德力不  
可思議夫修鍊九還七返大丹者持此  
頓悟玄關靈光現前三十九節自然生  
榮了證太玄三一之道知守本來具足  
之堅固真身更能精修大定乃至形神  
俱妙與道合真飛昇玉京逍遙自在至  
此則劫劫生生玄祖宗親皆得解脫同  
受玄恩濟度存亡此為深妙皈心持奉  
靜處璇璣內景無漏於六根外景不淪  
於萬有湛然清靜道在目前頂禮真形  
恭敬呪曰

玄靈節榮 永保長生 太玄三一  
守其真形 五臟神君 各得安寧  
魁魁魑魑魍魎魑魑急急如律令





麻哩即蒞蒞寫

大明正統四年二月初七日

印施

